

清江蘇巡撫陳公墓表

公姓陳氏長沙人諱啟泰字伯屏額瘦骨清自號臞庵幼秉異
惠未學語指識天地二字若有夙悟少長苦厲於學顧生事攬
窮邑中章墨林秀才俊績學有人倫之鑒趙提學啟霖杜侍御
本崇粟主事揆皆著籍爲弟子然尤視偉公爲却脰脯進而教
之秀才嘗講授城北火藥局側局災殫然爆裂柱礎騰擲數里
外公聞聲蜷伏書案下忽一櫬洞屋直貫其坐而案承之免於
難由是益奇公旣冠由縣學生中式同治丁卯舉人戊辰成進
士改庶吉士散館授編修益究心國故與同館閩縣陳太史寶

琛豐潤張太史佩綸往還切劘相得也歷充甲戌庚辰會試同
考官乙亥陝西鄉試副考官丙子順天鄉試同考官士論欽然
轉監察御史夫國家傾危之機往往伏於全盛之日公之爲御
史也當穆宗中興之後朝塾狃快已治已安依違泄沓文致太
平無敢訟言朝政闕失者間有一二激辭敢諫先少避則羣相
驚詫標目以黨號爲清流公其一也蓋天地晦蒙否隔之際重
陰固結雖迅雷疾電一時開霽不崇朝而雰霧又擬其後曾胡
諸公雷轟電掃平治廢亂重光國祚辟之開霽也自公代興洞
簪時機慨然有撥雰霧歌復旦之志抵職甫期月十上封章法

侵越南始請水陸大舉終言構和非策議雖未行海內壯之劾
浙江巡撫任道鎔副都御史王之翰以庸鄙嵬瑣難荷重寄劾
湖廣總督涂宗瀛巡撫彭祖賢以侵牟公帑罔恤民艱而雲貴
總督劉長佑軍餉奏銷其直轄糧道崔尊彝永昌知府潘英章
黃緣京卿周瑞清以薦賄掀起大獄實發於公詞連軍機大臣
戶部尙書王文韶等坐是罷黜者八十餘人直聲曰振權要側
目於是人知公不久於內矣未幾出爲大同府知府尋調大名
改保定沈屈郡守凡十五年其在大名兼護大順廣道大名地
毘曹州故盜藪會鄰郡順德轉饟被劫公跡得盜而名捕之一

夕盜忽入寢室竊印去遲明大索則彼綬若若者燦陳於縣署
堂皇已而訶悉其魁充大名鎮將弁爲直督李鴻章鄉人意頗
迴護迺牒按察使周馥白於李誘而殛之盜風大戢保定報政
入覲吳京卿汝綸贈序稱公出入有名績時以爲知言光緒丁
酉擢雲南迤東道攝布政使丁內艱喪終再簡迤東調通永遵
權直隸按察使授安徽按察使兼攝提學使丙午遷江蘇布政
使明年署巡撫旋真除宣統己酉五月三日日加申薨於位春
秋六十有八遺疏入賜卹如例夫人王氏前卒少房吳氏楊氏
子男七人繼鷺江西特用知府繼鶚民政部郎中繼鶴候選道

繼鵬直隸補用知縣繼鵬候選主事繼鵬候選郎中繼鵬二品
蔭生鷺鵬鵬鵬吳出鶴鵬楊出女五人長嫁湘潭郭人詔次
嫁豐潤張志滄三嫁同邑徐楨立四嫁衡山康宏聲五嫁頂城
袁克桓孫幾人曾孫幾人陳氏固江州義門之胤遷入湘千年
矣代有衣冠公曾祖諱价英舉人解州直隸州知州配黃氏生
副貢生臨武教諭諱亮配鮑氏生候選按照磨諱京配彭氏熊
氏三世皆以公貴贈光祿大夫妣皆一品太夫人熊太夫人生
子五皆知名公其長也爲政務實踐不事藩飾在位無燁赫之
行而去後民不能忘嘗謂去不善所以誘進於善故所至詰貪

黷祛奸軌如餓夫甘飭鬻眠權勢疆禦舊唐書茂如也撫吳時鄉民鬧
漕梟匪乘隙輻入數省公從容殄定靡饜少而成功速蘇人謳
思蘇松太道蔡乃煌貪凌苟冒公條其姦臧奏入未報可引爲
遺憾當是時慶王奕劻柄政操權利與士大夫爲市習爽昏瞽
乃煌固多金又挾三術據微乘邪卒彌縫寢奏公歛欽歎憤瞠
然若喪始公因籌備憲政焦勞邁疾至是益亟蓋以爲賞罰者
制天下之器也貶退稱進竦直黜枉昭然大公則羣情趣附內
外夷謐不則潰渙搶攘隱患四伏國家之敗聿由官邪封圻任
重除一所屬將吏如彼其鷙紀綱旣隳禍至無日不待著蔡可

以前知憂國盡忱垂老瘃烈公歿後三年果有易代之變生平清儉孝友根於至性廉俸所入分贍羣季非寶祭無珍饌一敝裘數十年屬統時喃喃以江北得雨爲念不及其私信乎古之大臣室無餘資僚舊賻贈始得歸窆於邑西側田衝白羊坡王太史闔運輓之云抗疏劾三公晚傷麟鼠千鈞弩治生付諸弟歸賸鵝羊二頃田蓋紀實也精文選暨音均攷據之學手鈔亡慮數十冊尤憮爲長短句與吳京卿唱畚最夥著意園詩詞鈔各四卷藏於家妙書勢結體董米之間晚臨書譜能得其神然在公皆餘事耳繼訓於公爲族子甲辰第進士官戶部適公陳

臬保定述職轍下游從逾密麓得行治之迹用表諸阡以貽其
後人且諗世之斷國論者

清賜進士出身調署駐俄參贊員外郎銜度支部主事軍餉司
司長族子繼訓謹撰